

# РУСКИ НОВИНИ

ЗА РУСИНОХ У КРАЉОВИНИ ЈУГОСЛАВИЈЕ

Рок VI

Нови Сад, петок 6. Децембра 1929.

Ч. 44 (252)

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок.

Рукописи и други писма треба  
посилац на адресу:

„РУСКИ НОВИНИ“ НОВИ САД  
Бојовићева улица број 2.

Претплату на РУСКЕ - НАРОДНЕ  
ПРОСВИТНЕ ДРУЖТВО, РУСКИ  
КРСТУР (Бачка).

**Шпоровни каси — наша народна потреба.**

Юбилейна преслава дзешатей рочници Руского Народного Просвитного Дружтва указала, же зме за тоти дзешец роки шлебодн зборели и напредовали у возбуждованю. Но у остатних часох обачело ше и наглаше ше при нас вше вецей, же нам сама наша просвитна работа и организација не може дац шицко тото, цо нам треба, же би зме ше як и други народи коло нас у каждим погляду розвивали и напредовали. Вше вецей ше указуе на то, же нам исто так потребна и газдовска, економска организација. Же нам попр просвитних дружтвох, читальних и шпивачких кружкох потребни и економски удруженија, и то у першим шоре шпоровни каси — штедионици.

Кед попатримо на други народи коло нас увидзимо, же тоти у каждим погляду лепше стоя и напредую, котри економски лепше организовани. Нешка у нас уж таки прилики, же кажди наш човек, чи то земледелец чи ремесельник чи гоч який професији, треба вецейраз кредит — пожичку за отримане и унапредзене својого газдовства, а другияраз ма зап готових пенезох, цо их може уложит под камати. У каждим случаю треба му шпоровна каса лебо банка. Але кед Русин пожичи пенези у банки, котра роби зос цудним капиталом и зос котру управляю нам цудни людзе, теди хасен, цо банка ма од нього на каматох, остава у цудних руках и пгда ше вецей не враци до руских руках, ані не употреби на хасен и потреби руского народу. Исто так банка варабя и на пенезох, цо их Русини уложа, але руски народ од того хасну нема. А кед будземе мац својо руски шпоровни

каси, кредитни задруги, теди руски пенезк не пойдзе до цудних руках, але остане у наших руках, а розуми ше же и тоти, цо требаю кредит, могли би го у својих шпоровних касох достац под повољнейшим условиями. Баш прего и думам, же тоти нашу шпоровни каси треба да буду на задружним темелю, на принципу медзисобного потпомаганя.

При својих шпоровних касох наш би ше народ приучел вецей на шпоровносц. Кед уж ест у валале своя шпоровна каса, то би велі, цо иншак тримаю пенезк дома, уложели го до ней под камати а, якош ше чежше потроши пенезк, кед е уложени у шпоровней каси, як цо кед е ту под руку, у кишени.

Шпоровни каси були би и у другим погляду на хасен нашому народу. У них и попр них би ше наше людзе баржей медзи собу упознали и зближели, вецей би ше о газдовству интересовали и вельо того хасновитого научели. А цо најважнейше, таки шпоровни каси, кед би дакус розросли и омоцнели, були би од велькей помощи нашому народу и у шицких його культурних потребах, помоц при видаваню руских книжкох и новинох, подзвиговане руских народних домох, старанс за руски широти и школярох, — шицко то у велькей мери можу и треба да вполня наше газдовски организацији, наше шпоровни каси и кредитни задруги, уж як би им мено було.

Газдовска организација, и то задругарство, подзвигла велі европски народи од велького благостаня и велького значенија и моци, па так и нам Русином; котри сцеме да ведно з другима народами крочиме напредок,

едина помоц и надія у наших економских организа-

циях, у задружних шпоровних касох. И. К.

## У нашим отечеству

**1. децембер**, дзень нашого народного и державного здиненя, преславени у далей жеми на торжественни способ. У шицких цервох отримали ше благодарения за здравље Його Вел. Краля и за идесце и напредоване нашего Отечества.

**Латинске писмо** будзе запровадзено од нового року у цалей нашей держави як службене, место до-терашней кирилицы.

**Народни издайници**, котри оплячкали народни пенезк у бувшей Радичовей банки та сцекли до Австрији робя против свойого отечества и сцели би да ше повраца австрийски часи. Зложели ше зос австрийску организацию „Хаймвер“ и сцели би привесц Габсбурговцох на престол.

**Цени вина.** Того рочне вино барз доброго квалитету а цена му од 3—4 дин. На вельких имниях, продава ше вино и по 8 дин. У Банату (Вернеп) на палци ше вецей як 2—2.50 дин. а у Далмацији 2—3 дин. по литри.

**Поклонствени депутати.** Варош Загреб организовал едну всеобщу акцију, же би шицки вароши у Югославији вислали својих делегатах до едней депутацији, котра пойдзе до Београду да ше поклоні Його Вел. Краля и задзекуе му за вельки реформи, котри Бон роби на хасен народа и держави.

**Збойници нападли поштару** на билим дню у Београду, кед вон розношовал пенезк. Дочекали го у едней палати у тону и навалели на нього, да вежню пенезк. У борби зос збойниками Сремич, так мено поштарови, ранети ножом и

з револьверску кулю. Злодїе сцекли, але пенезк не одняли.

**Умар од пляски.** У Неготину пляснул торговец Станович едного легиня так моцно, же му попукали жили у плуцох и достал виліване крви тз умар. Станович одсудзени на 7 роки цемници и на плаценс шицких трошкоч.

**На легки способ до пенезох** сцел прийсц еден фижкерист у Руми. Вон послал писмо познатоме богачови Дюришичеви и загрожел ше, же будзе забити, кед не востови 150.000 Дин. на едно одредзене место, лебо кед приязи полицији. Юришич приявел полицији и однес пакет на одредзене место. По пакет припол фижкерист и буд влавени.

**Баба Ануйка**, позната врачарка, котра отровела велі особи припровадзена до новосадского апелационного суда, и ту ей було поновно судзене. Апелација на ново одсудзела 90 рочну врачарку на 10 роки цемници.

**Шнїг и диндж.** У Сербки коло Чачку западал вельки шнїг, котри на местох и до 60 центиметери високи.

**Хробаци на усивох.** На Овчим полю у Сербки помпели ше у вельким множеству на усивох хробаци. Вони унищожели вельки комплекси полбох и земледїлци на ново муша шац усиви.

**Хорота тифус** розширела ше у дзедних крайох нашей держави, особено у Београду. Власни робя шицко, же би ше ширене застановело.





## Тим, котри достали аграрну жем.

Министерия польопривреди видала дня 28. новембра наредзень, же би шицки тоти, котри достали аграрну жем, набавели себе за 3 мешаца сведоджби од политич. опцинох, и дали потвердзиц по срезким началству. З таким сведоджбами муша особно ше приявиц до бывших аграрних званійох, котри им дали жем. Хто то не зроби вежне ше му додзелена жем и преда ше другоме. О оконченью того наредзенья стараю ше бански управи (Оделене III з.).

## Вшеліячина.

**Найвекши театар** на швецце збудовани у Чикагу. Театар ма 45 кондегнації. Потребни пенез дали миллионере Рокефелер и Мек-Кормик.

**Сторочни дідо без шивих власох.** У словацким варошу Трещин жме земледілец Ян Дюрчо, котри недавно навершел 100 роки живота. Дідо нема ані сней шивей власи.

**Кельо Немци читаю.** Вельке заведење Улштайн, котре видава книжки и часописи, видало слідуєци новини: Фосше Цайтунг у 700.000 примірників, Мортецпост у 640.000, Монтагпост у 143.000, Б. Ц. ам митаг 183.000, Берлиер алл. Цайтунг 52.000, Темпо 100.000 примірників. Од часописох: Грине пост 650.000, илустр. Цайтунг 1.800.000. Блат дер Хаусфрау 370.000, ди Даме 53.000, Угу 160.000, Коралс 46.000, Квершинт 18.000, Баузелт 35.000 примірників. Треба знац, же то ище ані половина новинох и часописох, цо у Немецкей виходзи. А ми ледво нашу новинку витримусме.

**Дияманти у жалудку.** Даскельо англійских цутешествнікох заблудило ше у африканских пустиньох и там влацели два ної (пустиньово птици). Кед их зарезали у жалудку нашли

70 фалати диямантох. Терраз постало все ясно чом дзиви Бушмени так любя лапац войох. Вони знаю, же ної лешне и скорше винайду дияманти як людзе.

**Наймладши шофер.** У Паризу находзи ше велька автомобилска фирма Рожие Гардао. Син властителя тей фирми оден 3 рочни хлапец уж совершеи шофер. Вон не лем управля з автомобилом але позна и шицку конструкцію машинки. То наймладши шофер на швецце.

**Жем у своїм штретку.** Вираховано, же удаленосц до штретка жемі виношує 6.380 килм. и за каждих 33 метери глубини целлота ше повоксує за 1 град. На тот способ би температура у штретку жемі виношела 100.000 гради.

**Войско европейских державох.** Немецка ма 100.000 воєкох, Француска у миру 671.000, у войни 4 миллиони; Англия без колонийох 187.000, у войни 2 мил.; Русия 1 миллион, у войни 7 мил.; Италия 360 тисяч, у войни 3 и пол мил.; Югославия 148.000, у войни 1 мил. и 600.000; Румуния 252.000, у войни 1 и пол мил.; Чехословакия 120.000, у войни 1 мил. и 200.000; Польска 330.000, у войни 2 миллиони.

## Швеччяни Отпочивок

Нодзеля 24.

ЕВАНГ. ОД ЛУКИ, ГЛ. VIII, ЗАЧ. 39.

„Не плачитесь, не умрете, но сміть.“

Нешка нам бліска зос шерца Христового нови пламень любови, котри зме дотля ище посебно не розпатрели, а то любов гу дзецом. Исус воскреснує Яйрову дванад рочну дзівочку, да ублага вельки бол ей родичох, и да ей продлужи живот на тьм швецце, да

себе може заслужит цо вєкшу славу и блаженство на другим швецце. Тото вельке чудо твори Исус зос любови гу дзецом.

Судьба дзецох у поганству була ище горша од судьби бидних и нищих и болящих. Прето ше Исус обрацел гу тьм малим, слабим створеньом зос полпу свою любовью, и заложел нови шор и закон, як маже постулац зос дзецми. Чули зме яки бул швет погански гу бидним и нищим, гу пе-

дужним и терпящим, гу котрим не мал милосердия и любви, а тераз да видаиме яки бул гу найбиднейшим створеньом на тьм швецце: гу дзецом. Тоти невини и слаби створеня були жертви окрутности, презира самоволі и каждого проклятства, цо владало медзи людзми по первородним греху. През 40 столітия пред Христом не завжали ше за тоти малки створеня ані законодавци, ані филозофи, але були прелущени як жертва каждой самоволі старших и их похотох. На шицки страхи швета патрело ше, да их ше преда, виложиси, одруци, поганьби, забие.

Бранитель християнох пред едиим судом (Тертулиан) так гуторел: „Чи ест дакого медзи тьма цо нас судза и нашу шмерц жадаю, и ту нас опколюю, же би дзецко не забил, не задавел у води, на мраз не виложел, и не одруцел враном и исом“. Лактанций, цо жил по Тертулиану так гуторел: „Часті ваш грех забиванє дзецох, и за певно то найбезбожнейши грех, бо док му Бог дал душу за живот, ви то одберає“. Св. Юстин мученик пише, же погане ранели дзєци, як ми бидла, да их можу вєцка попредац на безчестие. Славни римски бранитель Минуциус Феликс предруцує своїм су-

гражданом римляном, же дзєци вируцую, виложую жєвром и забиваю их сами. Но, тоти смутни историкє не лем християнски пишем: ици описую, але то потвердаю: сами найславнейши гогански учитеље, пишемници и их закони. Спарта, Атина, Рим, Ликург и Солон швєча за то. Историк Плутарх описує так: „Дораз по народзєню однесол оцєц у Спартє своєо дзєцко пред валацки одбор, па кед дзєцко було слабе, або хибне, такой ше мало виносц на брег Тайгєт, и там на место „вируцованє“ рущиц. Тот поступок с тьм оправдовали, же би ані за дзєцко, ані за державу не бул хасєн, кед би остало на живоцє. (Плутарх.) У тобоже просвищенєй Атинє дзєцко дораз принєсли на народзєню гу ногом оцца, и кед го вол поднес до наруча, теди остало на живоцє. Инак ше забило, або виложело на сталєс место. У Римє закон: „на дванац таблох“ звани так одредзєвал, же оцєц ма дзєцко дораз забит, кед є хибне, або виложит, кед є слабе. Кед так було у дєрших поганских державох, можеме себе думац, як смутно було индєсий! Тото вельке зло пришло зотрєц Исус зос своєо любовью.

Мудри Михайло.

## Длужнікох и претплатнікох

модліме, же би на вшеліякн способ намирєли того мешаца своєо длуство. Не забудєме, же наше новини отримую ше лем зос претплату свидомих своєх читатєльох. Не плацєнс длуства то є знак непросвищеносци.

## Нашо претплатніци

Обновели претплату слідуєцих и. п.:

Фейса Дюра 174. Колур	на 1929. р.	100 Дин.
Скубан Самувло, Колур	"	100 "
Будински Михайло, Р. К. 984.	"	100 "
Макай Янко, Р. К. 700.	"	100 "
Гарди Габор, Стари Вербас 103.	"	100 "
Шанта Дюра, Нови Вербас	"	100 "
Миклош Дюра, парох Липовляни	"	100 "
Арвай Янко, Пишкурєвиц	на 1928./29.	100 "
Шанта Дюра, Акрон, Америка	на 1929./30.	224 "

## ТАРГОВИНА

Жыто	Дин. 195—200—	Овес	Дин. 140—145—
Кукурица	" 105—110—	Мука 0	" 300—310—
Раж	" 150—155—	Мука 2	" 270—275—
Ярец	" 120—125—	Мука 5	" 235—245—
Отруби	" 97—100—	Мука 6	" 185—195—